

Канон пред Шуйской-Смоленской иконой Пресвятой Богородицы

Память празднуем 2 (15) ноября

Тропарь, глас 4-й

Яко многоцѣнное сокровище пріят град Шуя чудесно написанную икону Твою, Пресвятая Владычице, Дѣво Богородице, во исцелѣние лютыя язвы и во утѣшеніе православныхъ Тобою дарованную, от неяже истѣчники благодатныя и до нынѣ обильно изливаются. Пробави, Пречистая, и на будущее время милости Твоя вѣдущимъ Тя, храни град Твой и всю Русскую землю и спасай людей, к Тебѣ с вѣрою и любовью притекающихъ.

Канон, глас 1-й

Песнь 1

Ирмос: Отверзу уста моя, и наполнятся Духа, и слово отрыгну Царице Матери, и явлюся, светло торжествуя, и воспою, радуясь, Тоя чудеса.

Припев: Пресвятая Богородице, спаси нас.

Отверзти ми недоуменный ум и язык на похвалу пречистаго Твоего имени не возбраніи, грех ради моихъ, Всеблагая Дѣво, но и, Мати, силу, елико есть произволение, даждь, да воспою, радуясь, Твоя чудеса.

Пресвятая Богородице, спаси нас.

Отверзла еси древле от образа Твоего честнаго иноку Шуйския обители Святыя Троицы Никону ослѣпшия очи, и той, исцелен, отыде в монастырь свой, радуясь, славити тамо и воспевати Твоя чудеса.

Слава: Отверзения ослѣпшим очесем своим просившая у Тебѣ, Богомати, жена некая, именем Марфа, абие на молитве пред иконою Твоею нача видети ясно и, исцелена, отыде в дом свой, радуясь и прославляя Твоя чудеса.

И ныне: Отверзти нам душевныя очи, Богородице и Мати Света, слепотою греховною недугующим, и во свете повелений Господнихъ ходити направи нас, да, радуясь, воспеваем Твоя к нам милости и чудеса

Песнь 3

Ирмос: Твоя песнословцы, Богородице, Живый и Независтный Источниче, лик себе совокупльшия, духовно утверди, в Божественней Твоей славе венцев славы сподоби.

Пресвятая Богородице, спаси нас.

Твоя песнословцы, Богородице, сердцем и усты возносящая Ти глас хвалы и благодарения, содеваяши всех, иже от Тебѣ исцелений и всякия благодати сподобляются, ихже не лишены быти и причастия Царства Славы сподоби.

Пресвятая Богородице, спаси нас.

Твоихъ песнословцевъ абие услыша гласы, Владычице, инок Юрьевецкия обители Боголеп, егда на службе Божией моляшеся пред иконою Твоею о исцелении от глухоты, и отверзла еси слух его. Тогда начат инок радостно

припевати им: лик себе совокупльшия духовно утверди, в Божественней Твоей славе венцев славы сподоби.

Слава: Твоя певцы, Богородице, показашася иногда архиепископ Суждальский Стефан с прочим духовным собором, егда по пришествии своем во град Шую на свидѣтельствоваие чудес от Твоея иконы молебная пред нею воспѣша: тыя песнословцы Твоя и истину чудес тех дознавшия блаженства вѣчнаго сподоби.

И ныне: Твоя песнословцы, Богородице, возносящия Ти гласы молѣния и благохвалѣния, и с ними вся верныя от греховных падѣний оградѣ, в добродѣтели утверди и Небесныя славы улучшить сподоби.

Господи, помилуй (*трижды*). Слава, и ныне:

Седален, глас 2-й

Молѣние теплое и стена неборимая, милости источник, миру прибежище, прилежно вопиѣм Ти: Богородице Владычице, предвари и от бед избави нас, Единая вскорѣ предстательствующая.

Песнь 4

Ирмос: Седяй в славе на Престоле Божества во облаце легце, прииде Исус Пребожественный Нетленною Дланию и спасе зовущия: слава, Христѣ, силе Твоей.

Пресвятая Богородице, спаси нас.

Седяй в славе на Престоле Божества, сошед на землю нашего ради спасения и из Тебе прошед, сущую Тя Богородицу высшую всех тварей показав, темже в благоговѣнии трепетнем зовѣм Емѹ: слава, Христѣ, силе Твоей.

Пресвятая Богородице, спаси нас.

Седяй в славе на Престоле Божества благоволив, вочеловѣчився, седѣти яко Младенец на руку Твоею, о Богомати, сим показуя, яко Ты еси и ближайшее пред Ним предстательство о всех, верно чтущих Тя, Емѹ же зовущих: слава, Христѣ, силе Твоей.

Слава: Седяй во объятях Твоих Младенец Исус Пребожественный нетленною дланию держит пред Собою свиток дел человеческих, якоже видим на пречудней иконе Твоей, Владычице: из него же да будут, молимся, изъяты ходатайством Твоим грехи всех, Сыну Твоему зовущих: слава, Христѣ, силе Твоей.

И ныне: Седящему на Престоле Божества Царю Славы предстоиши одесную, Царице Небесная, помози нам подражати Тебѣ, да сподобимся части блаженства Твоего и воскликнем: слава, Христѣ, силе Твоей.

Песнь 5

Ирмос: Ужасошася всяческая о Божественней славе Твоей: Ты бо, Неискусобрачная Дѣво, имѣла еси во утробѣ над всеми Бога и родила еси Безлетнаго Сына, всем воспевающим Тя мир подавающая.

Пресвятая Богородице, спаси нас.

Ужасошася всяческая о Божественней славе Твоей, в чудотворных иконах Твоих являемей: Ты бо, Премилосердая, дары целѣбныя и знаменія подаеши во времена благопотребна притекающим Ти с верою, всем воспевающим Тя мир подавающая.

Пресвятая Богородице, спаси нас.

Ужасошася града Шуи жители нашедшей на ня смертоносней язи велией, но Ты, Всемилостивая, приклоннися на моление их, даровала еси им от нея скорое избавление новописанною иконою Твоею и успокоение сердцам их низпослала еси, всем воспевающим Тя мир подавающая.

Слава: Ужасошася свидетелие чудес от Твоего пречудного образа приводимым к нему бесным, сотрясаемым и ломаемым силою демонскою, посемже и радовахуся, воочию видевше тья абие исцелены Тобою, и купно с ними молитвы благодарения приношаху Тебе, Владычице, всем воспевающим Тя мир подавающая.

И ныне: Ужасаюся опасно навета диаволя, но, припадая к чудотворному образу Твоему, уповаю Тобою вражия прельщения избавитися и умирения улучшить, еже и потщися даровати ми, Госпоже Богородице, всем воспевающим Тя мир подавающая.

Песнь 6

Ирмос: Божественное сие и всечестное совершающе празднество, Богомудрии, Богоматере, приидите, руками восплещим, от Нея рождшагося Бога славим.

Пресвятая Богородице, спаси нас.

Божественное Твое истощание, Иисусе, образно живописуется нам на иконах Пречистой Твоей Матере, идеже зрим Тя, на руку Ея держима яко Младенца: темже Тебе, от Нея рождшагося Бога, славим.

Пресвятая Богородице, спаси нас.

Божественное и всечестное торжество чудотворных ради иконы Твоей, Богородице, егда святитель Стефан совершал, тогда сие ознаменовано бысть исцелением от слепоты жены некия Вассы, двадцать лет очима не видевшая. О таком чудесе Твоем радуясь, от Тебе рождшагося Бога славим.

Слава: Божественное сие и всечестное совершающее празднество прославления Твоей, Богомати, иконы, память творим всех чудес, иже Тобою от нея содеяшася, о нихже Тя благодаряще, от Тебе рождшагося Бога славим.

И ныне: Божественное сие и всечестное совершающее празднество, от тяжких и лютых избави ны, мира сподоби, да тихое и безмолвное житие поживем, вся бо можеша, Мати Божия сущи, Юже величающе, от Тебе рождшагося Бога славим.

Господи, помилуй (трижды). Слава, и ныне:

Кондак, глас 6-й

Предательство христиан непостыдное, ходатайство ко Творцу непреложное, не презри грешных молений гласы, но предвари яко Благая на помощь нас, верно зовущих Ти, ускори на молитву и потщися на умоление, предстательствующи присно, Богородице, чтущих Тя.

Икос

Прости длани Твоя, имиже всех Владыку яко Младенца прияла еси за множество благодати: не остави нас, всегда надеющихся на Тя, бодренною Твоею молитвою, и неисчетным состраданием ущедри нас, и подаждь душам нашим милосердие Твое, во веки источающи: Тебе бо имамы, грешнии, Заступницу от находящих на ны бед и зол, но, яко имущи милосердия

щедроты, ускори на молитву и потщися на умоление, предстательствующи присно, Богородице, чтущих Тя.

Песнь 7

Ирмос: Не послужиша твари Богомудрии паче Создавшего, но огненное прещение мужески поправше, радовахуся, поюще: препетый отец Господь и Бог, благословен еси.

Пресвятая Богородице, спаси нас.

Не послужити богом иным, разве Тебе, ниже поклоняться всякому подобию их, законоположил еси древле Израилю, Господи: се и мы Тебе Единому служим и Тебе Единому поем: препетый отец Господь и Бог, благословен еси.

Пресвятая Богородице, спаси нас.

Не послужити твари паче Создавшего заповедавый Господь повеле обаче на Кивоте Завета два Херувима изваянна сотворити, да поклоняющеся им, Самому Ему сынове Израилевы поклоняются; мы же Тебе, Богородице, яко одушевленному Божию Кивоту, от Херувим осеняему, поклоняющеся, Творцу и Владыце всех поем: препетый отец Господь и Бог, благословен еси.

Слава: Не послужиша твари отроцы еврейстии паче Создавшего; не искаша и людие Шуйския помощи человеческия паче Божия, егда найде на них смертоносне, тогда абие к Богу со слезами покаяния обратшася и избавление получивше, воспеша: препетый отец Господь и Бог, благословен еси.

И ныне: Не послужити, паче же противустояти учением и обычаем века сего помози нам, Богородице, да не в конец погибнем, и сохрани в нас веру отец наших, да всегда Творцу вопием: препетый отец Господь и Бог, благословен еси.

Песнь 8

Ирмос: Отроки благочестивыя в пещи Рождество Богородичо спасло есть; тогда убо образуемое, ныне же действующее, вселенную всю воздвизает пети Тебе: Господа пойте, дела, и превозносите Его во вся веки.

Пресвятая Богородице, спаси нас.

Отрока Иакова, люте беснуема, приведеннаго ко иконе Твоей, Богородице, от демонскаго мучительства избавила еси яве, якоже всем, видевшим сие, дивитися зело: избави убо и нас наветов и искушений бесовских, да в мире душевнем присно поем, избавлении: Господа пойте дела и превозносите во вся веки.

Пресвятая Богородице, спаси нас.

Отрока другаго, Иоанна именем, иже, разболевся зле, хотяше умерети, Ты, Премилостивая, молитв ради и веры родителей его скоро от болезни исцелила еси, темже молим Тя: и нас от всяких недугов уврачуй, да благодарне зовем: Господа пойте дела и превозносите Его во вся веки.

Слава: Отроки иногда и ученики духовнаго вертограда учений мы бывше, молихомся пред образом Твоим, Богоотроковице, тех ради отрочих молитв наших не остави нас покровом Своим и во время старости и по кончине живота нашего, да со отроки еврейскими и всеми святыми зовем: Господа пойте дела и превозносите Его во вся веки.

И ныне: Отроки благочестивыя в пещи Рождество Богородичо спасло есть: да спасет оно и наши отроки и дети, в пещи сущия соблазнов неверия и

развращёния, мы же во уповании на сию к ним и нам Божью милость вопиём: Господа пойте дела и превозносите Его во вся веки.

Песнь 9

Ирмос: Всяк земнородный да възграется, Духом просвещаемь, да торжествует же Безплотных умов естество, почитающее священное торжество Богоматере, и да вопиет: радуйся, Всеблаженная Богородице, Чистая Приснодево.

Пресвятая Богородице, спаси нас.

Всяк род верных благоговение чтит священнаго лика Твоего многоименная изображения, наипаче знаменьями Твоея благодати и милости просиявша, от нихже и в предняя Твоих благодеяний и даров не лишены быти уповая, вопиет: радуйся, Всеблаженная Богородице, Чистая Приснодево.

Пресвятая Богородице, спаси нас.

Всяк, слышай повесть о известованных во граце Шуе вещех, якоже предаше нам яже исперва самовидцы, како в нем во дни древния заступлением Богоматере от новописанныя иконы Ея всегубительство смертное преста, и многая иная чудеса содеяшася, игранием духа исполняется и вопиет: радуйся, Всеблаженная Богородице, Чистая Приснодево.

Слава: Всяких даров благодати источник явила еси, Владычице, не точно самую икону Твою Шуйскую, но и некия из списков ея священных: се бо и в селении Павлове, еже во области Новаграда Низовския земли, и во Ярославле граде, и во иных местех подобия тоя иконы милостию Твоею чудодейственны показашася, темже и живущии тамо вернии благодарне Тебе вопиют: радуйся, Всеблаженная Богородице, Чистая Приснодево.

И ныне: Всякия ныне мятущая страну Российскую церковныя соблазны и разделения утоли, Владычице, молитвами Твоими, отступльшия же от Православныя Церкви пастыри и мирския люди на путь истины обрати, да вси едино пребывающе, согласно Господа славим и Тебе вопиём: радуйся, Всеблаженная Богородице, Чистая Приснодево.